


საქართველოს რესპუბლიკა

www.sakresp.ge



იმისთანა წმინდა საცემში, ბოგბივ ბეჭდვით სიფყვას, ცეცხლივით და ჭბბბბით ბუბბ-ბის გაცნა ყველა უჯანბბბბბ უსაბბბბბბ.

პარასკევი, 18 აგვისტო. 2017 წ. №166 (8303), გამოცემის 99-ე წელი

ელ.ფოსტა: sakresp@mail.ru და sakresp@top.ge

ფასი 50 თეთრი.

ყველაზე დიდი სიმდიდრე არის ჯანმრთელობაა!

დღის ათვარი თემა

ფრიდონ თოდუა: ნარმატება ათვაბ კეაყოფილებას გვანიჭებს, თუ ის საკუთარ ძვეანაშია მიღწეული

გიორგი სიგუა დაკითხვაზე დაიბარეს, „ჯემ ფესტის“ დოკუმენტაცია გამოაქიპულება ნაიღას

ფინანსთა სამინისტროს საგამოძიებო სამსახურმა „ჯემ ფესტის“ ფარგლებში შესაძლო ფინანსური ხასიათის დარღვევებთან დაკავშირებით გამოძიება დაიწყო. საგამოძიებო სამსახურში დაკითხვაზე დაბარებული ფესტივალის ორგანიზატორი გიორგი სიგუა. სიგუა უწყებაში დღეს უნდა გამოცხადდეს. ის ამბობს, რომ მზადაა, ყველა კითხვას გასცეს პასუხი. მისივე თქმით, ოფისიდან ამოღებულია დოკუმენტაცია და წაღებულია კომპიუტერები.

რუსეთში „იპოვას მონაგები“ ოფიციალურად აკრძალეს

რუსეთის იუსტიციის სამინისტრომ „იპოვას მონაგები“ იმ ორგანიზაციების სიაში შეიყვანა, რომელთა მოღვაწეობაც ქვეყანაში იკრძალება. მანამდე გადამწყვეტილება უმაღლესმა სამართლო მიიღო. ორგანიზაციას ექსტრემისტულ საქმიანობაში ადანაშაულებენ, რასაც „იპოვას მონაგები“ კატეგორიულად უარყოფენ.

ვაჟა ბერიძე: სააკაშვილი არ არის გაჭრილი კარტი 3

ვის ანუებს საქართველოში რელიგიურ ნიადაგზე მკვლელობები? 5

„ის კალღიუვილია, მებრამ ჩვენი კალღიუვილი“

პოლონეთის პრემიერ-მინისტრი: სააკაშვილის დანახვაზე ეს უკვდავი ფრაზა გამახსენდა...

პოლონური გამოცემა „Super Express“, პოლონეთის ყოფილი პრემიერ-მინისტრის 2001-2004 წლებში, ლეშეკ მილერის სტატიას აქვეყნებს, რომელიც საქართველოს ექსპრეზიდენტსა და ოდესის ოლქის ყოფილ გუბერნატორ მიხეილ სააკაშვილს შეეხება.

აშშ-ის პრეზიდენტს ფრანკლინ რუზველტს მიაწერენ ფრაზას, რომელიც მას 1939 წელს უთქვამს ერთ-ერთი ლათინოამერიკელი დიქტატორის მისამართით: „ის, რა თქმა უნდა, ძალიან შვილია, მაგრამ მაინც ჩვენი ძალიან შვილია“. ეს ფრაზა უნივერსალურ პრინციპად იქცა, რომელიც საშუალებას იძლევა პოლიტიკური შეთვისებადობა-შემგუებლობის არსს არა მხოლოდ აშშ-ში, არამედ სხვა ქვეყნებშიც.

რუზველტის ფრაზა მაშინ გამახსენდა, როცა „გასტროლებზე მყოფი“ მიხეილ სააკაშვილი პოლონეთში დავიწახე. როგორც ცნობილია, საქართველოს ექსპრეზიდენტს სამშობლოში ბრალდება წაუყენეს საპროტესტო აქციების დარბევაზე, სამსახურებრივი უფლებამოსილების გადამტკიცებაზე და საბიუჯეტო თანხების განიავებაზე. მასზე გამოცხადებულია ძებნაც, თუმცა ამ ბრალდებებს მიხეილ სააკაშვილისათვის ხელი არ შეუშლია, რომ რამდენიმე დღე ვარშავაში გაეტარებინა – სხვათა შორის, ძალიადაკარგული პასპორტით: მას ხომ ჩამორთმეული აქვს როგორც საქართველოს, ასევე უკრაინის მოქალაქეობაც...

საქართველოს პროკურატურამ მიხეილ სააკაშვილის ექსტრადირება მოითხოვა, მაგრამ მე დარწმუნებული ვარ, რომ პოლონეთში მას არაფერი



მსგავსი რამ არ ემუქრება – იგი ხომ სწორედ იმას ამბობს, რაც დღევანდელ ჩვენს ხელისუფლებას სიამოვნებს: „სმოლენსკის კატასტროფა ვლადიმერ პუტინის შურისძიებაა ლეს კაჩინსკის მიმართ იმის გამო, რომ იგი 2008 წლის რუსეთ-საქართველოს ომის დროს აქტიურობდა და თბილისში ჩასვლის დროს მტკიცე „ანტიპუტინური“ პოზიცია დაიკავა“, – აცხადებს მიხეილ სააკაშვილი. ექსპრეზიდენტის თქმით, ვლადიმერ პუტინი „სისხლიანი მკვლეელია, რომლის ხელობა ადამიანების ხოცვაა. რუსეთის პრეზიდენტმა ლეს კაჩინსკის სიკვდილით პოლონეთის დამოუკიდებლობის ბოლოს მოღება სურდაო“. ოქროს სიტყვებია.

ასეთი სიტყვები ყველანაირ პასპორტზე და ვიზაზე ძვირად ფასობს. ვინ იცის, შესაძლოა მიხეილ სააკაშვილი ოდესმე პოლონელიც კი გახდეს და მსოფლიოში პოლონური დოკუმენტებით იაროს...

რაც შეეხება 2008 წლის მოვლენებს: ევროკავშირის სპეციალურმა კომისიამ შევიცარიელი შაიდი ტალიავინის ხელმძღვანელობით გამოიკვლია რუსეთ-საქართველოს ომის გარემოებები, რის შედეგადაც ნათელი გახდა, რომ 7-8 აგვისტოს დამით სამხედრო მოქმედება ქართულმა არმიამ განახორციელა სამხრეთ ოსეთში შეჭრის მიზნით. მოკლედ, გამოდის, რომ ომი რუსეთმა კი არა, საქართველომ დაიწყო.

როცა მთელი მსოფლიო თვალს შეკინის ოლიმპიურ თამაშებს ადევნებდა, მიხეილ სააკაშვილმა გიმრობის ჩადენა გადაწყვიტა. მაგრამ რისი იმედი ჰქონდა, როცა უაზრო წინასწარ წაგებულ ომს იწყებდა? ეგონა, რომ სწრაფად და იოლად გაიმარჯვებდა? ან იქნებ ფიქრობდა, რომ რუსეთი არ ჩაერეოდა? ან ამერიკა სამხედრო დახმარებას გაუწევდა? შესაძლოა მიხეილ სააკაშვილს ეგონა, რომ იგი თავის მყიფე მდგომარეობას განიმტკიცებდა და მთელ მსოფლიოს მოულოდნელი ფაქტის წინაშე დააყენებდა? თუმცა, ანი მნიშვნელობა აღარ აქვს, რას ფიქრობდა და რისი იმედი ჰქონდა – ყველაფერმა უქმად ჩაიარა: ქართველმა პრეზიდენტმა ყველაფერი წააგო, რისი წაგებაც შეიძლებოდა. ასლა იგი სიამოვნებით თამაშობს რობინ ჰუდის როლს, თავის თავს გამირად წარმოსახავს, მაგრამ სადაა მისი შერცუდის ტყე?

პრესაპარლამენტო ოპოზიციის პრევენციული საკომუნიკაციო კამპიანები აუცილებელია

პრესაპარლამენტო ოპოზიციის წარმომადგენელი 21 აგვისტოს თბილისის მერისა და საკრებულოს თავმჯდომარეების ერთიანი კანდიდატურის დასახელებს...



„ძალიან კარგი სტარტი იყო. მაშინაც დარწმუნებული ვიყავი და ახლაც დარწმუნებული ვარ, რომ ერთიანი კანდიდატის დასახელება ოპოზიციისთვის გარანტირებული გამარჯვების წინაპირობა იქნება...“



„ან შეეხივება ან გაიხივება?“

ენერგეტიკის მინისტრი ელექტროენერჯის ტარიფის მატივებს არ გამოორიცხავს. ილია ელოშვილის განცხადებით, ტარიფის ცვლილება სხვადასხვა ფაქტორზე იქნება დამოკიდებული და საკითხს საბოლოოდ სემეკი გადაწყვეტს.

„მარეგულირებელი კომისია გადაწყვეტს და დაადგენს მეთოდოლოგიის მიხედვით საბოლოო ტარიფს. როცა ხდება გადახედვა, შესაძლებელია რომ შემცირდეს, შესაძლებელია გაიზარდოს...“

პრევენციული კომუნიკაციის გუნდისა და ოპოზიციური პარტიების მიმართ კონკრეტული შეთავაზება აქვს. პრევენციული მიზნების, რომ პოლიტიკურ პარტიებთან კონსულტაციების გამართვის შემდეგ, დამატებით უნდა გაიმართოს შეხვედრები, როგორც პრევენციის ადმინისტრაციასთან, ასევე არა-

საქართველოს პრევენციულ საკონსტიტუციო ცვლილებებთან დაკავშირებით მმართველი გუნდის და ოპოზიციური პარტიების მიმართ კონკრეტული შეთავაზება აქვს. პრევენციული მიზნების, რომ პოლიტიკურ პარტიებთან კონსულტაციების გამართვის შემდეგ, დამატებით უნდა გაიმართოს შეხვედრები, როგორც პრევენციის ადმინისტრაციასთან, ასევე არა-



სამთავრობო სექტორთან. „პირველი შეხვედრა პოლიტიკურ პარტიებთან, რაც მისასალმებელია. თუმცა, პრევენციული თვისის, რომ ეს შეიძლება იყოს ამ პროცესის მხოლოდ და მხოლოდ დასაწყისი. მნიშვნელოვანია, ყველა სერიოზულ საზოგადოებრივ ჯგუფთან, ისევე როგორც კონსტიტუციურ ორგანოსთან კონსულტაცია და მცდელობა, რომ იქნას მიღებული კონსულტაცია“

აფეთქების შედეგად დაზარალებულებს აჭარის მთავრობა დაეხმარება

ბათუმში გუშინ მომხდარი აფეთქების შედეგად დაზარალებულებს აჭარის მთავრობა დაეხმარება. ამის შესახებ განცხადება მედიასთან აჭარის ფინანსთა და ეკონომიკის მინისტრმა რამაზ ბოლქვაძემ გააკეთა:

„ჩვენ დაზარალებულ მოსახლეობას ქალაქ ბათუმის მერიის შეხვედრით. ამ ეტაპზე ჩვენ მათ ვთავაზობთ დროებით ფართო უზრუნველყოფას. შეიძლება ითქვას, რომ ალტერნატიული ბინის ფართობის შეთავაზებით უზრუნველყოფა გადამწყვეტილება მივიღეთ. გამოძიების დასრულებამდე ვთავაზობთ მოსახლეობას გადაცემულ კონკრეტული ბინები. ასევე არის მეორე შეთავაზება, მოხდება დაზარალებული სახლების რემონტი. ველოდებით მოსახლეობის განდობას და შემდეგ მივიღებთ საბოლოო გადაწყვეტილებას. თუ საბოლოო ჯამში მოხდება მოლაპარაკება მოსახლეობასთან და ფართები გადაეცემათ საკუთრებაში, მოხდება ჩანაცვლება, მათი საცხოვრებელი ფართები გადაეცემა სახელმწიფოს. ამ ეტაპზე ყველაფერს სახელმწიფო დაფარავს.“

აჭარაში საადრეო ყურძენი დაენიფდა...

აჭარის მთავრობის თავმჯდომარე ზურაბ პატარაძე ქობულეთში, გვარაში აგროსერვის ცენტრის ვაზის საწარმოში მეთვრამეტე მუშაობის შემდეგ შესაძლებლობების მქონე და მზრუნველობა მოკლებულ ბავშვებთან ერთად საადრეო ყურძნის მოსავლის აღებაში ჩაერთო. მთავრობის თავმჯდომარესთან ერთად რთველში მონაწილეობდნენ აჭარის სოფლის მეურნეობის მინისტრი ლაშა კობახიძე და განათლების, კულტურის და სპორტის მინისტრის მოადგილე მირიან ქათამაძე.



„დღეს ჩვენ ვიმყოფებით აგროსერვის ცენტრში, ქობულეთში, სადაც ბავშვებთან ერთად ჩვერთვით ყურძნის კრეფის პროცესში. ამ ტერიტორიაზე გვაქვს დაახლოებით 32 ჯიშის ყურძენი, მათ შორის სასაფრეო და საღვინე ჯიშები. ასევე, აჭარისთვის დამახასიათებელი ტრადიციული ჯიშები, როგორც არის ცოლიკაური, ჩხავერი და ა.შ. ეს ნამდვილად წარმატებული პროექტია და დღევანდელი დღეც ემსახურება ჩვენი რეგიონის პოპულარიზაციას. ტურისტულად აქტიურ სეზონზე სასურველია ადგილობრივი პროდუქტი მეტად იყოს წარმოდგენილი ბაზარზე,“

რა სარგებლობა მოაქვს ვაშლს?!

„ჯეჯელას ვაშლი“

პიდიმ ახალი „ნოუ-ჰაუტი“ მიიზერო ჩვენი ყურადღება ბატონმა ალექსანდრე ჯეჯელავამ. როგორც მოგვსენებდა, ამჯერადაც ზღაპრული (თუ საზღაპრო) თემა შემოგვთავაზა: სკოლებში მოსწავლეების მომარაგება ვაშლებით კი არა, თითო ვაშლით, ისიც ყოველდღე კი არა, კვირაში ერთხელ!

ბატონო ალექსანდრე, თუ ასეთ სასარგებლო პროდუქტად მიგაჩნიათ ვაშლი (ეს ასევე არის), კვირაში ერთხელ რა სიძუნწეა. წამალი რომ იყოს, სისტემატურად მიღებაა საჭირო, თორემ კვირაში ერთხელ რა, ჯადოსნური ვაშლია? უკეთესს შემოგთავაზებთ, ბატონო ალექსანდრე, გავაუმჯობესებთ თქვენს „რაციონალიზატორულ წინადადებას“, თან სასარგებლოც იყოს (ჯანმრთელობის მხრივ) და თან სასწავლო პროცესსაც შეუწყოს ხელი. კერძოდ: ვაშლებით დასაჩუქრეთ მხოლოდ ის მოსწავლეები, რომლებიც კარგად მოამზადებენ გაკვეთილებს. ეს იქნება სტიმული ბავშვებისთვის, კარგად რომ ისწავლონ, მაგრამ საჭიროა დიფერენცირება. მაგალითად, თუ ბავშვს ამა თუ იმ საგანში დაუწერენ ათიანს, მან უნდა მიიღოს საუკეთესო ხარისხის ვაშლი. ვთქვათ და, თურაშული. ვინც ცხრიანს მიიღებს, მან ნაკლები ხარისხის ვაშლი უნდა მიიღოს. დაეუშვათ, „ბროცკი“ და ა. შ.

ერთი კითხვა იქნის თავს, რომელსაც მე პირადად, ვერ ვუძებნი პასუხს: ვინ გააკონტროლებს, რამდენი ვაშლი დარიგდა სკოლაში და რამდენი „მოტყეს“ შედაგოგებმა? „ეს მიზრუნვის ვაშლი კი არა, ჩემი ვაშლია“, , გასსოვთ ალბათ, კინოფილმიდან „ჭრიჭინა“. ჰოდა, გაჩნდება ალბათ, ახალი გამოთქმა: „ეს მიჩურინის ვაშლი კი არა, ჯეჯელავას ვაშლია“.



ზინა ბელენავა

15 აპრილიდან მხოლოდ ერთი გასაჩივრებელი ადგილი მოდის!

დედაძალადის ერთ-ერთი უმთავრესი პრობლემა მანქანების პარკირება და სპეციალური ავტოსადგომებია. დედაქალაქში ავტომობილების გასაჩივრებელი ადგილების მწვავე დეფიციტია. შესაბამისად, პარკირების სისტემის მონესრიგება თბილისის მერობის კანდიდატების ლამის მთავარი დაპირებაა.

„ქართული ოცნების“ კანდიდატი კახა კალაძე მიიჩნევს, რომ სისტემას ადგილობრივი ხელისუფლება უნდა მართავდეს: „სითი პარკთან“ გაფორმდა მიუღებელი და არასწორი ვალდებულებებით დატვირთული ხელშეკრულება, რომელმაც თბილისის მოუტანა ჯარიმა და ნაკლები ადგილი პარკირებისთვის. ამიტომ საკითხის მიმართ საჭიროა სამართლებრივი მოკვლევა და კომპლექსური მიდგომა, სწორი გამოსავლის საპოვნელად. ჩვენ ვისმინთ შეუსწავლელ, პოპულიზმისკენ მიმართულ ვერსიებს, ხან ახალი კომპანიების შემოსვლაზე, ხან ბიუჯეტიდან ვილაცის

„ნაციონალური მოძრაობის“ თბილისის მერობის კანდიდატი ზაბალ უდუაშვილიც აცხადებს, რომ მისი მერად არჩევის შემთხვევაში, „სითი პარკთან“ ხელშეკრულებას გააუქმებს. „ევროპული საქართველოს“ მერობის კანდიდატი ელენე სოფიანი კი ავტოსადგომების საერთო ფართობის გაზრდის აუცილებლობაზე ლაპარაკობს. მისი თქმით, ქალაქში, სადაც 400 ათასამდე ავტომობილი მოძრაობს, არსებული 38 ათასი ადგილი საკმარისი არ არის. შესაბამისად, უნდა გაიზარდოს სადგომების მოცულობა მინისტრის სივრცეების ხარჯზე და შეიქმნას დროზე მიმზღული დგომის სისტემა. „შენების მოძრაობის“ მერობის კანდიდატი თინათინა შირვალიანი კი ფიქრობს, რომ უნდა შეიცვალოს მთლიანად სატრანსპორტო მოძრაობისა და ავტოსადგომების მართვის სქემა.

„პარტნიორობა საგზაო უსაფრთხოებისთვის“ ფონდის თავმჯდომარე გილა კვაშილაშვილი პირდაპირ მიუთითებს, რომ პრობლემას ქმნის ავტომობილების გასაჩივრებელი ადგილების ინფრასტრუქტურისა და მართვის ერთიანი გეგმის არარსებობა: „პარკინგი არის ისეთივე პროდუქტი, როგორც სხვა პროდუქტები. ბუნებრივია, იქ, სადაც მეტი მოთხოვნილებაა პარკინგზე, უნდა იყოს საათობრივი რეგულაცია. ბუნებრივია, შემოსავლები უნდა ხმარდებოდეს ქალაქში ტრანსპორტის განვითარებას, მობილობის განვითარებას. ესე იგი, ჩვენ ვკარგავთ როგორც სივრცეებს, ასევე თანხებს, რესურსებს, რომელიც თავისუფლად შეიძლება მოხმარდეს ქალაქში არსებული ეკონომიკური პრობლემების მოგვარებას“, - აცხადებს კვაშილაშვილი. ავტომობილების გასაჩივრებელი ადგილების ინფრასტრუქტურისა და მართვის სის-

ტემის კრიზისზე ლაპარაკობს ორგანიზაცია „ჰაბჯორჯიას“ ხელმძღვანელი ვასილ ურუშაძე, რომლის თქმითაც, თბილისში 15 ავტომობილზე მხოლოდ ერთი გასაჩივრებელი ადგილი მოდის: „არ უნდა ვიფიქროთ, რომ დღეს არსებული პრობლემა შეიძლება მოაგვაროს მხოლოდ კერძო სექტორმა. ბალანსი დარღვეულია უკიდურესად: ავტომობილების რაოდენობა ბევრად აღემატება პარკირების ადგილების რაოდენობას. კერძო კომპანიამ შეიძლება უზრუნველყოს სერვისი, მაგრამ ვერ უზრუნველყოს ამ ბალანსის აღდგენა. შესაბამისად, აუცილებელია ადგილობრივი ხელისუფლების, ანუ მერიის ჩართვა. შესაძლებელია კერძო სექტორთან თანამშრომლობით, ერთიანი ინვესტიციების განხორციელებით ახალი ადგილები შეიქმნას“, - განუცხადა რადიო „თავისუფლებას“ ვასილ ურუშაძემ.

ზინა ბელენავა

ენერგოეფექტიუზი ბაზარი

დაუსჯელ დასჯილთა პარაკაქვი

არაფერს გასაკვირი იმაში, რომ რიგითი მომხმარებლისთვის, არსებითად არავითარი მნიშვნელობა არაა აქვს იმას, თუ სახელდობრ რომელი კომპანია მოემსახურება, თუმცა კი ამის თქმა მხოლოდ იმ შემთხვევაში შეიძლება, თუკი მონოპოლიური პროდუქტი ან განუყოფელი მომსახურება ხარისხიანია, ფასი კი — მისაღები. ორივე პარამეტრი კი ბაზარზე, პირველ ყოვლისა, ჯანსაღი კონკურენციის გარეშე განაპირობებს, რომლის შექმნას სახელმწიფო უზრუნველყოფს ანტიმონოპოლიური პოლიტიკის გატარებით. ამ მხრივ, დამოუკიდებლობის მოპოვების აგერ უკვე მეოთხედი საუკუნის მანძილზე ფაქტობრივად, ყველა მოდიფიკაციის მთავრობა სცოდავდა — უამრავი სახეობის ბაზარზე მუდამ მძლავრობდნენ და, შესაბამისად, საკუთარი დიქტატის ამყარებდნენ გაფლენიანი ღირებულების მქონე ცალკეული კომპანიების მცირერიცხოვანი ჯგუფები, მათი კონკურენტები კი მცირედი ნაწილები უღუფთო კმაყოფილებდნენ, ანდა საულაც, კოტრდებოდნენ.

ბუნებრივია, რომ მონოპოლისტის დიქტატი ნებისმიერი ბაზრის მომხმარებელზე უარყოფითად აისახება, რაც უწინარესად, საქონლისა თუ მომსახურების მაღალი ფასით გამოიხატება. ამ მხრივ განსაკუთრებით კომუნალური და ნავთობპროდუქტების სფეროები გამოირჩევა, ორივე ბაზარზე თავისუფალ კონკურენტუნარიან გარემოს დიდად დაშორებული მდგომარეობაა და, როგორც მოვლენათა განვითარება


მონობს, ელექტროენერჯის დისტრიბუციის სფეროში ახლო მომავალში მონოპოლია კიდევ უფრო მეტად გაძლიერდება.

კერძოდ კი, საქართველოში ენერგოდისტრიბუციის გიგანტმა „ენერგო-პრო ჯორჯიამ“ პოზიციები მნიშვნელოვნად გაიმყარა: რამდენიმე დღის წინათ მან კომპანია „კახეთის ენერგოდისტრიბუცია“ შეიძინა. თავდაპირველად წლეულს ივლისში დანიშნულ აუქციონზე 21 მილიონი ვალის დამგროვებელ კომპანიას მყიდველი არ გამოუჩნდა, იგი ჩაიშალა. მეორე ცდაზე კი 27,8 მილიონ ლარად შეფასებული აქტივები „ენერგო-პრო ჯორჯიამ“ იყიდა.

ენერგოკომპანია „კახეთის ენერგოდისტრიბუცია“ ამჟამად 122 ათას აბონენტს ემსახურება და აქამდე ლიტერული კონცერნის „აქემა ჯგუფის“ საკუთრება იყო, რომელმაც ვერც ნასყიდობის პირობები ვერ შეასრულა და „კახეთის ენერგოდისტრიბუციაც“ გაკოტრებამდე მოიყვანა. სწორედ ესაა იმის მთავარი მიზეზი, რომ „ენერგო-პრო ჯორჯიამ“ ის აქტივების ფაქტობრივ ღირებულებაზე — 54,6 მილიონ ლარზე — სამჯერ იაფად იყიდა. არადა, „ენერგო-პრო ჯორჯიამ“ მანამდე საქართველოში ელექტროენერჯით 970 ათასზე მეტ აბონენტს ამარაგებდა და 15 ჰიდროელექტროსადგურს ფლობდა. ბოლო შენაძენამდე ის ქვეყანაში ენერგოდისტრიბუციის ბაზარზე 61 პროცენტთან და ენერგოგენერაციის 17 პროცენტთან სექტორს

აკონტროლებდა. ამ მნიშვნელოვანი შენაძენით კი „ენერგო-პრო ჯორჯიამ“ მონოპოლისტური მდგომარეობა ელექტროენერჯის მიწოდების ბაზარზე კიდევ უფრო განმტკიცდება, რაც ისედაც შეუსაბამოდ მაღალი სამომხმარებლო ტარიფის შემცირების შესახებ უფრო ეფემერულს ხდის, ვინაიდან ბაზარზე მას, ფაქტობრივად, მხოლოდ ერთი კონკურენტი — „თელასი“ ჰყავს.

ამდენად, როგორც ვხედავთ, ახლად შექმნილი კონკურენციის სააგენტოს როლი, რომლის ამოქმედებას მწარმოებლებიც, მომხმარებლებიც და მედიის წარმომადგენლები დიდი ხნის მანძილზე ველოდით და, როგორც მოვლენათა განვითარება მონობს, სრულიად უსაფუძვლოა. ახალი ორგანო, რომელიც ყოფილი ანტიმონოპოლიური სამსახურის „ნასახლარზე“ აღმოცენდა, მასავით უსუსური და ფაქტობრივად, არაფრისმქმნელია, რადგან არანაირი რეალური ძალა არ გააჩნია. ამის თვალნათელი მაგალითია ორი წლის წინათ თავისუფალი „კონკურენციის შესახებ“ კანონის დარღვევისა და კარტელური შეთანხმების გამო მის მიერ საქართველოში ხუთი ყველაზე დიდი ნავთობკომპანიის დაჯარიმების ამბავი. მკითხველს შევახსენებთ, რომ 2015 წლის ზაფხულში ისინი მთლიანად 55 მილიონი ლარით დაჯარიმდნენ, მათ შორის „სოკარი“ 14,4 მილიონი ლარით, „გალფი“ — 11,3 მილიონი ლარით,



„რომპეტროლი“ — 10,9 მილიონი ლარით, „ვისოლი“ — 10,4 მილიონი ლარით და „ლუკოილი“ — 4,7 მილიონი ლარით, ჯარიმის დაწესების თანხა კი მათთან მჭიდრო ურთიერთობების მქონე სამეკონომიკურ აგენტზე მოვიდა.

ამის საბაზი კომპანიების მიერ შეთანხმებული მაღალი სამომხმარებლო ფასების პოლიტიკის გატარება, ანუ კარტელური გარიგება იყო, რაც, რომ იტყვიან, „შეუიარაღებელი“ თვალთვალს სრულიად ნათლად დანერგული, მათ საჯარო საჩივრები დაუნესდათ, თუმცა, ამ გადაწყვეტილების გამოცხადებისთანავე ყველა დასჯილიმა სუბიექტმა კონკურენციის სააგენტოს გადაწყვეტილება გაასაჩივრა. „სოკარმა“ და „ლუკოილმა“ პირველი ინსტანციის სასამართლოში თავიანთი დავები წააგეს, მაგრამ პირველ-

მა მათგანმა შემდგომ სააპელაციო დავა მოიგო, „ლუკოილის“ საქმის განხილვა კი ამჟამადაც მიმდინარეობს. აღნიშნულთან დაკავშირებით სპეციალისტები ერთსულოვან დასკვნამდე მიდიან, რომ ასეთი ვითარება ერთი მხრივ, დაუსჯელად დასჯილთა მძლავრ ღირებულებებს შესაძლებლობებს, მეორე მხრივ, კონკურენციის სააგენტოს უსუსურობაზე მიუთითებს, რომლის ორნაირი მოღვაწეობის შედეგი მხოლოდ ეს ერთადერთი (!!!) გაუქმებული ფინანსური საჩივრიაა, სხვა შემთხვევაში კი კანონდამრღვევებს ის მხოლოდ არაფრისმამკისი გაფრთხილებებით „უმასპინძლებოდან“.

ამდენად, როგორც ვხედავთ, ელექტროენერჯისა და ნავთობპროდუქტების ბაზარზე მონოპოლისტის დოლია გაშლილი, რაც რიგით მომხმარებელს, თუნდაც შორეულ პერსპექტივაში „შელავთიანი“ ყოფის ყოველგვარ იმედს უხშობს.

ოთარ ტურაბელიძე

ტყის კოდექსი

იპრათში ტყის რესურსის არასწორი გამოყენება და გამოსავლის გზები...

მშხა, რცხილა, ნეკერჩხალი, ცაცხვი, ნაბლი, ძელქვა, აკაცია და ვეკალიპტი ხის ის ჯიშებია, რომლებიც იმერეთის რეგიონის ტყეებში ყველაზე მეტადაა გავრცელებული. ბოლო მონაცემებით, რეგიონის ტერიტორიის 54 %-ია ტყით დაფარული და რეგიონის ტყის ფონდის ფართობი 353 500 ჰექტარია, რაც საქართველოს ტყის მასტეტს 12 %-მდეა. ტყის იმერეთის მუნიციპალიტეტებში, ისევე როგორც ქვეყნის მასშტაბით, ძირითადად ენერგეტიკულ და სამასალე რესურსად იყენებენ და მიუხედავად იმისა, რომ რეგიონის დიდი ნაწილი გაზიფიცირებულია, სოფლად მცხოვრები ოჯახების უმეტესობა სათბობად შეშას მოიხმარს, საშეშე მერქნის ყიდვას ამჯობინებს გაზიფიცირებული ქალაქების მოსახლეობის ნაწილიც და ამბობს, რომ ბუნებრივი აირის ან ელექტროენერჯის მოხმარება მათთვის დიდ თანხებთანაა დაკავშირებული.

იმერეთის გუბერნატორის ბიძი შიქინაძის გან-

ცხადებით ტყის რაციონალურად გამოყენებას და ხე-ტყის რესურსის ეფექტურად მართვას დაარეგულირებს ტყის კოდექსის ახალი კანონი, რომლის პროექტი ბოლო ორი წლის განმავლობაში აქტიურად განიხილება და რომელიც საშემოდგომო სესიაზე მიენოდება პარლამენტს. გივი ჭიჭინაძე, ამავე დროს, აუცილებლად მიიჩნევს სოფლების გაზიფიცირებას, რაც მნიშვნელოვნად შეამცირებს შეშის მოხმარებას. სახელმწიფო რწმუნებულის თქმით, ტყისადმი არასწორი დამოკიდებულებისა და მოსახლეობის მიერ ტყის მხოლოდ საშეშე მერქნად აღქმის გამო, არასახარბიელო მდგომარეობაშია იმერეთის რეგიონის ტყის მასივებიც.

ტყის მართვის სპეციალისტ პაატა ტორჩინაძეს ინფორმაციით, საქართველოს მერქნის ბაზრის პოტენციალის კვლევის მიხედვით, რომელიც 1 წლის განმავლობაში მიმდინარეობდა, საშეშე და სამასალე მერქნის მოთხოვნისა და მიწოდების მონაცემები დაუბალანსებელია. პაატა ტორჩინაძეს განცხადებით, დიდია სხვაობა კანონიერად და უკანონოდ მოჭრილ მერქანს შორის. კვლევის მიხედვით, 2014 წელს დამზადებული ხე-ტყის 75 % უკანონოადაა მიჩნეული.

იმერეთის მხარის მეცნიერთა კავშირის სექტორის ეკოლოგიური პროგრამების ხელმძღვანელის ლალი ტაყაიას განცხადებით ტყის შენარჩუნებისთვის ტყის ახალი კოდექსის მიღებასთან ერთად აუცილებელია, სახელმწიფომ ხელი შეუწყოს რეგიონების მოსახლეობის ალტერნატიული სანავით მომარაგებას.



სპეციალისტების განცხადებით ტყის ახალი კოდექსის მიღება და კანონის პრაქტიკაში აღსრულება, ეროვნული სატყეო კონცეფციისა და სატყეო სექტორის სტრატეგიის ამოქმედება, რომლებიც, თავის მხრივ, სატყეო რეფორმის აუცილებელი მდგენელებია, ხელს შეუწყობს საქართველოს ტყისა და მისი ბიომრავალფეროვნების შენარჩუნებას. ტყის მართვის სპეციალისტების აზრით, ტყის ფონდის დასაცავად ასევე აუცილებელია დაცული ტერიტორიების ფართობის გაზრდა, რადგან ამჟამად საქართველოს დაცული ტერიტორიები მთლიან ტყის ფართობის 8,5 %-ია, ეკოსისტემის შესანარჩუნებლად კი, ევროკავშირის რეკომენდაციით, 17 % უნდა იყოს.

თათა კაჭკაჭიშვილი



მთიანი აჭარის ტურისტული მარშრუტების პოპულარიზაცია ბრძოლა

აჭარის ტურისტული პროდუქტების განვითარების სააგენტო აგრძელებს მთიანი აჭარის ტურისტული მარშრუტების პოპულარიზაციას. ამჯერად, სააგენტომ გიდებსა და ადგილობრივი ტურისტული სააგენტოების წარმომადგენლებს ქედში მერისის ტურისტული მარშრუტი გააცნო. ბათუმიდან 56 კილომეტრში არსებული, ჩანჩქერით, მინერალური წყლითა და ულამაზესი ბუნებით გამოირჩეული მერისის ხეობა შესანიშნავი ადგილია ჰაიკინგის, კემპინგის, ისტორიულ-კულტურული ადგილებისა და ადგილობრივი მემკვიდრეობის მართვის ტრადიციული ხერხების გასაცნობად.

ინფოტურის მონაწილეებმა მერისის ჩანჩქერი, ზენდის ციხე, გვახას საბინკე ტერიტორია მოინახულეს და გუნდაურის მინერალური წყალი დააგემოვნეს. გარდა ამისა, დაათვალიერეს მერისში არსებული საოჯახო-სასტუმრო სახლები და იქ არსებულ სერვისებს გაეცნენ. სოფელ მერისში სამი საოჯახო-სასტუმრო სახლია მარკირებული, რომელთაგან ერთი — თურმანიძეების საოჯახო-სასტუმრო სახლი ფოლკლორის შესწავლის მსურველ ტურისტებს შორის პოპულარობით სარგებლობს. ოჯახის ყველა წევრი მდერის და სხვადასხვა საკრავზე უკრავს, რის შესასწავლადაც სასტუმრო სახლს ტურისტები მსოფლიოს სხვადასხვა ქვეყნებიდან სტუმრობენ. ისინი ასევე სტუმრობდნენ ახალ საოჯახო-სასტუმრო სახლს სოფელ კორომხეთშიც, რომელიც მახუნციის ჩანჩქერთან ახლოს მდებარეობს და კარგი ადგილია ადგილობრივი კერძების დასაგემოვნებლად.

სამზარეულოს საიდუმლოებანი

სორსისმჭამელი პრი

იმის მიუხედავად, რომ მსოფლიოს წამყვან დიეტოლოგთა აბსოლუტური უმრავლესობა ერთნაირად გაიძახის, რომ, ზოგადად, ხორცის ჭამა ორგანიზმისთვის ძალიან საზიანო თუ არა, ყოველ შემთხვევაში არც დიდი სარგებლის მომტანია. ამის კარგი მაგალითია ესპანელები, რომლებიც ბევრ ხორცსავე მიირთმევენ და დიდხანსაც ცოცხლობენ.

იქნებ, ამიტომაცაა, რომ ხმელთაშუაზღვისპირეთის დიეტა იუნესკომ კაცობრიობის მსოფლიო მემკვიდრეობად აღიარა. მისი სარგებლიანობის შესახებ უამრავი რამ ითქვა და დაინერა, ოღონდ ამ დროს აქცენტები, უმეტესად, მის ფრანგულ ან იტალიურ ვარიანტებზე კეთდება ხოლმე. ხმელთაშუაზღვისპირული დიეტის სხვა ვერსიას ესპანეთში, რომლის სამზარეულოში ზეთისუნის ზეთის, ანდალუსური ზეთისხილის, გალიციური ზღვის პროდუქტებისა და, რაღა თქმა უნდა, იბერიული ჰამონების ზეობაა. ხორცის დელიკატესებს ესპანურ სამზარეულოში საგანგებოდ ადგილი უკავიათ, მათ გარეშე არც ერთი სუფრა არ იმართება.

ესპანელები - ხორცისმჭამელთა ერთი, აბა, სხვაგვარად როგორ შეიძლება იყოს უკიდურესად საძოვრებისა და კორიდის ქვეყანაში? ხორცს ბავშვები მანამდე აგემოვნებენ, ვიდრე წლისანი გახდებიან, ზრდასრულები

ხომ მას მთელი ცხოვრების მანძილზე მიირთმევენ, უარს არც სოლიდურ ასაკში ამბობენ შემწვარ-მოხრაკულით კუჭისთვის ზეიმის მოწყობაზე.

სტატისტიკის მიხედვით ესპანელი წითელ და თეთრ ხორცს კვირაში სულ მცირე 2-3-ჯერ მიირთმევენ, სუბპროდუქტების (ღვიძლის, თირკმლების, გულის, შიგნეულის) მოხმარების მხრივ კი ესპანეთი ევროპაში პირველ ადგილზეა. ჭამით იქ ხარის კუდსაც კი მიირთმევენ, რომელიც ჭეშმარიტ დელიკატესად ითვლება. ესპანელები საჭმელად შინაურ ცხოველთა და ფრინველთა ყველა სახეობას იყენებენ, რომლებიც იბერიის ნახევარკუნძულზე ბინადრობენ და რომელთა მოშენებას მისდევენ. აქაური მზარეულები კი მსოფლიოში ერთ-ერთ საუკეთესოებად ითვლებიან - მათი რესტორნები ლიდერები არიან „კულინარიული ოსკარების“ - მიშლენის ვარსკვლავების მხრივ.

ყოველ ესპანურ პროვინციაში საკუთარი განსაკუთრებული საფირმო ხორციანი კერძებია. მაგალითად, სამხრეთში, ანდალუსიაში სუფრას მუდამ ამშვენებს შებოლილი მთის ლორი - ჰამონ სერანო, საუკეთესო მოთუშულ ხორცს კი სეგოვიაში ამზადებენ. არაგონისა და ნავარის მთებში (ეს კი ქვეყნის ჩრდილოეთია) ჩინებულად ამზადებენ ცხვრის ხორცს. მეცხვარეთა საფირმო

კერძია „მთის სატაცური“ - ანუ ცხვრის კული. კანტაბრიის სანაპიროს სუფრის მშვენიერება მწვერი ვაზის ფოთოლში და ბრინჯიანი ქათამი, რომელსაც გალისიაში ხშირად ჯერ რძეში ხარშავენ, მერე კი ნაღების კარაქში წვავენ. იქ ასევე უგემრიელესად ამზადებენ იხეს თალგამურით და ლორის ქონში შემწვარ, ანდა ლობიოსთან და ბრინჯთან ერთად მოხარშულ ქათამს.

ხორცს ესპანელები დიდი შემოქმედებითა და შთაგონებით ამზადებენ: ისინი მას ხერვისის ჯიშის ღვინოში თუ შავენ, მწვანისლის გარდა ნუშსაც უმატებენ. მეტიც: არის სრულიად ეგზოტიკური კერძები, მაგალითად ხორცი... შოკოლადის სანებლით ანდა ბოცვერი ხამანკებით, ქიშიშიანი მტრედები...

მაგრამ ხორცის კერძებში ესპანელთა მთავარი ეროვნული განძი მაინც ჰამონ იბერიკოა, ლორის უმაღლესი ხარისხის ხელმწიფე. მას მხოლოდ უნიკალური შავი ჯიშის ღორების ხორცისგან ამზადებენ, რომელიც მხოლოდ იბერიული მუხის რკოს ჭამენ. იმის მიუხედავად, რომ დიეტოლოგთა უმრავლესობა ღორის ხორცს არ წყალობს, ჰამონის მიმართ პრეტენზიები არა აქვთ. მეტიც: სწორად დამარილებული და შებოლილი ჰამონი არ შეიცავს „მავნე“ ქოლესტერინს და ექიმების მიერ დიეტურ



საკვებადაა მიწნული, რომლებიც მას შაქრის დიაბეტთან, ავთვისებიან სიმსივნეთა ამოკვეთილ, სისხლის ნაკლებობის მქონე და ანემიურ, ასევე ჯანმრთელობასთან დაკავშირებული მრავალი სახეობის სხვა პრობლემის მქონე ადამიანებს ურჩევენ.

ესპანეთში ხორცის კერძების ამ უსასრულო დღესასწაულის მიუხედავად, იქაური ხალხი კარგი ჯანმრთელობითა და დღეგრძელობით გამოირჩევა. მსოფლიო ჯანდაცვის ორგანიზაციის 2015 წლის მონაცემებით, სიცოცხლის ხანგრძლივობის მიხედვით - 82,5 წელი - ესპანეთი მეხუთე ადგილზეა. ამის რამდენიმე მიზეზი არსებობს. პირველი: ესპანურ დიეტაში საოცრად და შეხამებული ცხოველური და მცენარეული ცხიმები: ესპანელები ძალიან ბევრ ლებნიანს მიირთმევენ, რომლებიც დიდად სასარგებლოა შაქრიანი დიაბეტის, გულის

სისხლძარღვთა, ნივთიერებათა მიმოცვლის დარღვევისა და ჭარბი წონის მქონე ადამიანებისთვის. მეორე: თითქმის ყველა კერძში ზეთისუნის ზეთი იხმარება, რომელიც მონოგაჯერებული ცხიმოვანი მჟავების უნიკალური წყაროა, რომელიც აქვეითებს „ცუდი“ და ამაღლებს „კარგი“ ქოლესტერინის დონეს. მესამე: ესპანეთი დიდებული თეთრი მშრალი ღვინის სამშობლოა, რომლის ერთი ბოკალი ნებისმიერი სადღის აუცილებელი ატრიბუტია. ალკოჰოლი კი, როგორც ცნობილია, ორგანიზმს ცხოველური ცილებისა და ცხიმების მონელებაში ეხმარება. და მეოთხე: ესპანელებს არა მარტო ხორცი, არამედ ახალი თევზიც და ზღვის პროდუქტებიც უყვართ, რაც ჯანმრთელობისთვის ასევე ძალიან სასარგებლოა.

მომამზადა ნინო ალექსანდრიანი

მსოფლიოს საუკეთესო ქალაქები - DEUTSCHE BANK-ის რეიტინგი

Deutsche Bank-მა ტრადიციული ყოველწლიური რეიტინგი Mapping the world's prices გამოაქვეყნა, რომელშიც მოყვანილია სხვადასხვა ქალაქებში ძირითად საქონელზე და მომსახურებაზე ფასების შედარებითი ანალიზი.

2017 წელს ბანკმა შეფასების კრიტერიუმებს ცხოვრების ხარისხი დაუმატა.

გამოკვლევაში მოყვანილია 47 ქალაქის მონაცემები ისეთ პარამეტრებში, როგორც მსყიდველობითუნარიანობა, უსაფრთხოება, ჯანდაცვა, კლიმატი, და ა.შ.

10. სიდნეი, ავსტრალია

ქალაქი განთქმულია საოპერო თეატრით და პლიაჟებით. სიდნეის საცხოვრებელი კვარტლები გარშემორტყმულია ეროვნული პარკებით, სანაპიროზეა უამრავი პატარა სრუტე, კუნძულები და პლიაჟები. სიდნეი არის მსოფლიოს ერთ-ერთი ყველაზე მრავალფეროვანი და მულტიკულტურული ქალაქი, რაც გამოწვეულია იმით, რომ იქ ცხოვრობს ავსტრალიაში ჩამოსულ მიგრანტთა დიდი ნაწილი.

9. ამსტერდამი, ჰოლანდია

ამსტერდამი არის ჰოლანდიის დედაქალაქი და ყველაზე დიდი ქალაქი. ის ასევე არის ქვეყნის კულტურული და ფინანსური ცენტრი. აქ განთავსებულია მსოფლიოს უმსხვილესი 500 კომპანიიდან 7-ის სათავე ოფისები - მათ შორის Philips და ING Groep. ასევე ქალაქის ცენტრშია განლაგებული მსოფლიოს უძველესი საფონდო ბირჟა. ამსტერდამში ასევე საერთაშორისო ეკოლოგიური ორგანიზაციის „გრინფისის“ ცენტრალური ოფისი.

8. ბოსტონი, აშშ

ბოსტონი არის ამერიკის შტატ მასაჩუსეტსის და ასევე ახალ ინგლისად ცნობილი რეგიონის ყველაზე დიდი, აშშ-ში ერთ-ერთი უძველესი და უმდიდრესი ქალაქი. ბოსტონი გარეუბნებით შედის ამერიკის ყველა დიდი ქალაქების ათეულში და მსოფლიოს 50 უდიდესი ქალაქების სიაში. მან დაიკავა აშშ-ში პირველი ადგილი ცხოვრების ხარისხის მიხედვით.

7. ოტავა, კანადა

ოტავა კანადის დედაქალაქია, სიდიდით ქვეყანაში მეოთხეა. ბოლო ათწლეულების განმავლობაში ოტავა გახდა მაღალი ტექნოლოგიების ერთ-ერთი დიდი ცენ-

ტრი და მას ხშირად უწოდებენ ჩრდილოეთ სილიკონის ველს. ოტავაში ასევე მდებარეობს ფედერალური სახელმწიფო სტრუქტურები და კანადის უმსხვილესი კულტურული ცენტრები, მაგალითად, ეროვნული გალერეა. ოტავა იკავებს მე-4 ადგილს რეიტინგში მსყიდველობითუნარიანობის და ეკოლოგიური სტანდარტების დაცვის მხრივ.

6. კოპენჰაგენი, დანია

კოპენჰაგენი არის დანიის დედაქალაქი და ყველაზე დიდი ქალაქი. ის ასევეა დანიის კულტურული, ეკონომიკური და სამთავრობო ცენტრი, ჩრდილოეთ ევროპის ერთ-ერთი უმსხვილესი ფინანსური ცენტრი, სადაც ფუნქციონირებს კოპენჰაგენის საფონდო ბირჟა.



ქალაქის ეკონომიკა სწრაფად იზრდება მომსახურების, საინფორმაციო ტექნოლოგიების, ფარმაცევტიკის და „სუფთა ტექნოლოგიების“ განვითარების ხარჯზე. დანიის დედაქალაქი იკავებს მე-5 ადგილს უსაფრთხოების რეიტინგში და მე-8-ს ეკოლოგიურად სუფთა ქალაქების სიაში.

5. ციურხი, შვეიცარია

განეკუთვნება გლობალურ ქალაქებს. შვეიცარიის უმსხვილესი ფინანსური ცენტრი, სადაც განთავსებულია ბანკებისა და სადაზღვევო კომპანიების ცენტრალური ოფისები, მათ შორის ისეთების, როგორც UBS და Credit Suisse. ციურხი ასევე ფუნქციონირებს შვეიცარიის საფონდო ბირჟა და ქვეყნის ცენტრალური ბანკის ერთ-ერთი შტაბ-ბინა. ციურხი იკავებს პირველ ადგილს მსყიდველობითუნარიანობის რეიტინგში, ასევე მე-2-ს უსაფრთხოების და ეკოლოგიური მდგომარეობის მხრივ.

4. მელბურნი, ავსტრალია

მელბურნი არის ავსტრალიის ერთ-ერთი ძირითადი კომერციული, სამრეწველო და კულტურული ცენტრი. მელბურნს ასევე ხშირად უწოდებენ ქვეყნის სპორტულ და კულტურულ დედაქალაქს, რადგანაც იქ ტარდება ბევრი სპორტული და კულტურული მოვლენა. მელბურნს უჭირავს მე-3 ადგილი მსყიდველობითუნარიანობის რეიტინგში, ასევე შედის ტოპ-10-ში ისეთ პარამეტრებში, როგორცაა ჯანდაცვა, უძრავი ქონების ფასების და მოქალაქეების შემოსავლების შეფარდება და კლიმატი.

3. ვენა, ავსტრია

ვენა არის გაეროს მესამე ქალაქ-რეზიდენცია ნიუ-იორკის და ჟენევის შემდეგ. ვენის საერთაშორისო ცენტრი აერთიანებს ვენის საეროს სხვადასხვა განყოფილებას, ატომური ენერჯის სააგენტოს და ა.შ. ვენაშია ასევე ისეთი საერთაშორისო ორგანიზაციების შტაბ-ბინები, როგორცაა ოპეკი და ეუთო. ვენა ასევე დერობს ჯანდაცვის რეიტინგში, და ასევე იკავებს მე-6 ადგილს მსოფლიოს ყველაზე უსაფრთხო ქალაქების სიაში.

2. ედინბურგი, შოტლანდია

ედინბურგი არის ბრიტანეთის ერთ-ერთი ყველაზე განვითარებული ქალაქი. იქ მაღალ დონეზეა განვითარებული ისეთი დარგები, როგორცაა მომსახურება, ტურიზმი, საბანკო სექტორი, განათლება, მაღალი ტექნოლოგიები. ქალაქის განვითარებაში დიდი წვლილი მიუძღვის ასევე საქმიან ტურიზმს, სხვადასხვა საერთაშორისო ღონისძიებებს, შეხვედრებს და კონფერენციებს, ასევე მუსიკალურ და თეატრალურ ფესტივალებს. ქალაქი იკავებს მე-2 ადგილს ჯანდაცვის ხარისხის მიხედვით, ასევე მე-3 ადგილს ეკოლოგიური მდგომარეობის მიხედვით.

1. უელინგტონი - ახალი ზელანდია

უელინგტონი არის ახალი ზელანდიის დედაქალაქი, სიდიდით მეორე ქვეყანაში. ის ასევე მსოფლიოში ყველაზე სამხრეთული დედაქალაქია. უელინგტონი ლამაზი და მყუდრო ქალაქია ბევრი ხილით, გვირაბით, პარკითა და სკვერით. რეიტინგის ოცეულში ასევე მოხვდნენ: ჰელსინკი, ბერლინი, ოკლენდი, ტორონტო, ლისაბონი, მადრიდი, კეიპტაუნი, სან-ფრანცისკო, პრაღა და სტოკჰოლმი.

როგორ

ბასილაშვილი - სრული სლით!

საქართველოში პირველი ჩოგანი ნიკოლოზ ბასილაშვილი ამერიკაში ცინცინატის მასტერსზე წარმატებულ ასპარეზობას განაგრძობს. ტურნირის 1/16 ფინალში ნიკამ მასპინძელი კრისტიან ჰარისონი ორ სეტში 6:3, 6:3 დაამარცხა. მატჩი 1 საათი გაგრძელდა.



მეორე დღე ნალში ქართველი ჩოგბურთელის მეტოქე აშშ-ს კიდევ ერთი წარმომადგენელი, 20 წლის ჯარედ დონალდსონი იქნება, რომელიც ATP-ის რეიტინგში მე-60 ადგილზეა, კარიერის საუკეთესო შედეგი კი 58-ე პოზიციაა.

გეორგი ბაზანი

კალათბურთი

ნაპრო ესპანეთის ნაკრების რეკორდსმენი

ესპანეთის საკალათბურთო ნაკრებმა ამხანაგურ შესვენარაში ვენესუელა 90:44 გაანადგურა. ეს მატჩი ხუან კარლოსისთვის ესპანეთის ნაკრებში 240-ე გამოდგა, რაც ყველა დროის რეკორდია. ნავარომდე ესპანეთის ნაკრებში ყველაზე მეტი თამაში ხუან ანტონიო სან ეპიტაფიოს ჰქონდა ჩატარებული (239 მატჩი).

37 წლის ნავაროს ესპანეთის ნაკრებთან ერთად ევრობასკეტის ორი ოქროს, ორი ვერცხლის და ერთი ბრინჯაოს მედალი აქვს მოგებული. ოლიმპიადებზე ხუან კარლოსმა ორი „ვერცხლი“ და ერთი ბრინჯაოს მედალი მოიპოვა, ხოლო მსოფლიოს ჩემპიონატზე მის ანგარიშზე ერთი „ოქროა“.

ვიტალი ჯაფარიძე



ავტოსპორტი

„მაკლარენი“ ინდიქარში სრულფასოვან ჩართვას აპირებს

ფორმულა-1-დან ინდიქარში გადასვლა შეიძლება გადაიფიქროს, მაგრამ „მაკლარენი“ ამერიკული ლიბაბრბლიანი სერიით სერიოზულად დაინტერესდა. ამის შესახებ ესპანურ ვებ-გვერდ „მუნდო დეპორტივოსთან“ საუბრისას ინდიქარის სერიის მთავარმა აღმასრულებელმა მარკ მაილზმა განაცხადა.

ნესის სფეროში გადაინაცვლა. „ჩვენ ვიცით, რომ „მაკლარენი“ მომავალ სეზონშიც აპირებს ინდი 500-ში „ანდრეტი ავტოსპორტთან“ ერთად გამოსვლას და იმავდროულად სერიაში საკუთარი გუნდით ჩართვასაც გეგმავს. ეს ალბათ 2019 წელს მოხდება. ბრაუნი ამ ეტაპზე კალენდართან დაკავშირებულ კითხვებს გვისვამს“, - ამბობს მაილზი.

ბრიტანულ კომპანიას ოკეანის გაღმა რამდენიმე გამარჯვება აქვს მოპოვებული, მათ შორის - ინდი 500-ის რბოლაშიც. ფი-სტაგ განსხვავებით, ინდიქარში მონაწილეობა არ მოითხოვს საკუთარი შასის შემუშავებას. ამერიკაში შასის და ძრავებს გუნდები მზა სახით ლეზულობენ. საერთოა აეროდინამიკური კომპლექტიც. შასის და აეროდინამიკურ კომპლექტს იტალიური „დალარა“ აწარმოებს, ძრავებს კი - „ჰონდა“ და „მეროლი“.

მანუჩარ ბიორბაძე



რაგბი ჩვენი თამაშია!

საპარტიველო რაგბის აკადემია უმაღლესი სასწავლებელია, რომლის სივრცეშიც 15-18 წლის ნიჭიერი ახალგაზრდები სარაგბო უნარებს სწვენ, იღებენ დამატებით განათლებას და დიდ რაგბის ყოველმხრივ მომზადებულები ხდებიან.

რაგბის აკადემიის სივრცეში შედის აღმოსავლეთისა და დასავლეთის ფილიალები, განვითარების ჯგუფი, მსაჯთა განვითარების ჯგუფი, საფესტივალო რაგბი, 18-წლამდე 15-კაცა და 7-კაცა ნაკრებები, ასევე უფროსთა 7-კაცა ნაკრები.

აკადემია მჭიდრო კავშირშია საქართველოს 20-წლამდე 15-კაცა და ეროვნულ ნაკრებებთან და მათი მწვრთნელების მოთხოვნის შესაბამისად ხდება ახალგაზრდა მორაგბეთა უნარების დახვეწა და განვითარება.

სექტემბრის დასაწყისში თითოეული კლუბი აკადემიას წარუდგენს 4-5 ნიჭიერ მოთამაშეს, მიმდინარეობს დეტექცია და ხდება განსაკუთრებული მონაცემების მქონე ახალგაზრდების შერჩევა, რომლებიც აკადემიის სივრცეში 2 წელი ვარჯიშობენ და სვეწენ უნარებს. მნიშვნელოვანი მომენტი: რაგ-

ეს მოგვლის აკადემია

ბის აკადემია დახურული არავისთვისაა და თუ რომელიმე მოთამაშე სეზონის მსვლელობისას თავს გამოიჩენს, ის აკადემიაში აუცილებლად მოხვდება (ან დაბრუნდება).

ვარჯიშები ტარდება კვირის 6 დღე და იწყება დილის ექვს საათზე, რათა ახალგაზრდებს სწავლაში ხელი არ შეეშალოს. გარდა ამისა, ახალგაზრდების მრავალმხრივი განვითარების-

ლებში და ა.შ.

„რაგბი ინტელექტუალური თამაშია, ამიტომ მოთამაშეს მრავალფეროვანი აზროვნება უნდა ჰქონდეს და ჩვენ ამ მიმართულებას განსაკუთრებულ ყურადღებას ვაქცევთ. დეტექციისას ექვსი უმთავრესი კრიტერიუმი გვაქვს და ამ შემთხვევაშიც განსაკუთრებული ყურადღება მოაზროვნე ბავშვებს ექცევა“, - ხაზს უსვამს აზროვნების და განათლების მნიშვნელობას რაგბის აკადემიის დირექტორი ზაზა ლეჟავა.



ზაზა ლეჟავამ საქართველოს რაგბის აკადემია 11 თვის წინათ ჩაინარა და ვარჯიშების უთენია დანიშვნა, ასევე ვარჯიშების პროცესში საგანმანათლებლო აქტივობების ჩართ-

ვის აკადემიის სივრცეში იგეგმება და ხორციელდება სხვადასხვა სახის სოციალურ-საგანმანათლებლო აქტივობები: ვიზიტები თეატრში, შეხვედრები სხვადასხვა დარგის წამყვან სპეციალისტებთან, ექსკურსიები ისტორიულ ადგი-

ვა სწორედ მისი ინიციატივით. მისავე მოსვლას უკავშირდება მოთამაშეთა და მწვრთნელთა შეფასების ახლებური სისტემა და კიდევ მრავალი სიახლე, რომლებიც აკადემიაში ბოლო პერიოდში დაინერგა.

კოზა კოზანიძე

საფეხბურთო მოზაიკა

თამურ ქეცბაიამ „ორენბურგი“ დატოვა

თამურ ქეცბაიამ რუსეთის პირველი დივიზიონში მოასპარევე „ორენბურგის“ მთავარი მწვრთნელის პოსტი დატოვა. რუსული კლუბის ოფიციალურ ვებ-გვერდზე გამოქვეყნებული განცხადების თანახმად, ქართველ სპეციალისტთან კონტრაქტი ურთიერთშეთანხმების საფუძველზე შეწყდა. ქეცბაისთან ერთად გუნდიდან წავიდნენ მისი თანაშემწე სოსო ჭეცბაი და ფიზიომზადების ბერძენი მწვრთნელი მიხაელის მიხაელისი.

ქეცბაია „ორენბურგის“ თავკაცად მიმდინარე წლის ივნისში დაინიშნა. გუნდმა მისი ხელმძღვანელობით რუსეთის პირველი დივიზიონში სეზონის საწყის 8 ტურში 10 ქულა მოიპოვა და ამ დროისთვის სატურნირო ცხრილში მე-13 ადგილზეა.



ესპანეთის სუპერთასი და მსოფლიოს საკლუბო ჩემპიონატი.

სიმეონე „ფიორენტინაში“ გადავიდა

ფლორენციის „ფიორენტინამ“ „ჯენოას“ არგენტინელი თავდამსხმელი ჯოვანი სიმეონე გაიფორმა. ამის შესახებ „იების“ ვებ-გვერდი ოფიციალურად იტყობინება. 22 წლის ფეხბურთელმა ახალ გუნდთან 5-წლიანი კონტრაქტი გააფორმა, ხოლო „ჯენოამ“ მის სანაცვლოდ 15 მილიონი ევრო მიიღო, რასაც მომავალში 3 მილიონი ევრო დაემატება ბონუსის სახით.

მოგესხენებათ, ჯოვანი დიეგო სიმეონეს ვაჟი გახლავთ. იგი „ჯენოას“ გასულ ზაფხულში შეუერთდა „რივერ პლეტიდან“ და თავი კარგად წარმოაჩინა - 35 მატჩში 12 გოლი გაიტანა.

ჯოვანი სიმეონე „ფიორენტინაში“ ხორვატ ნიკოლა კალინიჩს შეცვლის, რომელიც „მილანში“ გადასვლასთან ახლოსაა.

გიორგი შოთაძე

ზიდანი დელ ბოსკეს გაუთანაბრდა

მადრიდის „რეალის“ თავკაცი ზინედინ ზიდანი „სამეფო კლუბში“ ისტორიის წერას განაგრძობს - ესპანეთის სუპერთასის მოგებით ფრანგმა სპეციალისტმა მადრიდელთა მწვრთნელის რანგში მეშვიდე ტიტული მიითვალა („ბარსელონასთან“ - 3:1 და 2:0).

ამ მაჩვენებლით ზიდანი გაუთანაბრდა ვისენტე დელ ბოსკეს, რომელიც „რეალს“ 1994, 1996 და 1999-2003 წლებში ედგა სათავეში.

მათზე მეტი მიღწევები აქვთ: ლუის მოლონის (1974, 1977-79, 1982, 1985-86) - 8 ტიტული და მიგელ მუნეოსის (1959-1974) - 14 ტიტული.

ზინედინ ზიდანი „რეალს“ 2016 წლიდან წვრთნის და ამ დროის განმავლობაში ორჯერ მოიგო ჩემპიონთა ლიგა, ორჯერ - უეფას სუპერთასი, თითოჯერ - ესპანეთის ჩემპიონატი,



რას არ გაიზავ...

მსოფლიოს 22 ქვეყანაში ტრამპზე
მეტად კუტირის ენდობიან

მის უფრო ენდობა მსოფლიო, პუტინს თუ ტრამპს? სოციოლოგიური გამოკითხვა კვლევითმა ცენტრმა pewglobal-მა ჩაატარა. გამოკითხვის შედეგებით, 22 ქვეყანაში ფიქრობენ, რომ პუტინს უფრო სწორი საგარეო პოლიტიკა აქვს, ვიდრე ტრამპს, 13 ქვეყანაში კი ტრამპს უფრო ენდობიან. ყველაზე დიდ ნდობას კრემლის ლიდერი საბერძნეთსა და ლიბანში იმსახურებს.

მოსკოვი დასავლეთს ტაროისტთა
მხარეობაში აღნაგობებს

მოსკოვი ირწმუნება, რომ სირიაში აშშ-სა და ბრიტანეთში წარმოებული ქიმიური იარაღის აღმოჩენილი. რუსეთის საგარეო საქმეთა სამინისტროს ოფიციალური წარმომადგენლის მარია ზახაროვას განცხადებით ეს კიდევ ერთი დასტურია იმისა, რომ დასავლეთი ტერორისტთა მხარეობას განაგრძობს.



„დასავლეთის ქვეყნები და რეგიონის ზოგიერთი სახელმწიფო ამბობს, რომ ტერორისტებსა და ექსტრემისტებს სირიაში მომწამვლელი ნივთიერებებით ამარაგებს, რაზეც ოფიციალური მტკიცებულებები არსებობს,“ - აღნიშნა ზახაროვამ.


ტრამპმა თეთრი სახლის
2 საბჭო დაითხოვა

დონალდ ტრამპმა თეთრი სახლის 2 საბჭო დაითხოვა. ამის შესახებ მან სოციალურ ქსელ Twitter-ში დაწერა. საუბარია წარმოებისა და სტრატეგიის და პოლიტიკის საბჭოებზე.

მიზეზი საბჭოს წევრების მიერ ტრამპის კრიტიკა გახდა. მათ უკმაყოფილება იმის გამო გამოთქვეს, რომ ტრამპმა ვირჯინიის ქალაქ შარლოტსვილში განვითარებულ მოვლენებში დაპირისპირებული ორივე მხარე დაადასტურა.

საუღის არაბეთის პრინსი გარდაიცვალა

საუღის არაბეთის სამეფო ოჯახმა მორიგი დანაკლისი განიცადა. პრინც ბანდარ ბენ ფაჰდ ბენ საად ბენ აბდულ რაჰმან ალ საუდი გარდაიცვალა. პრინცის გარდაცვალების მიზეზები უცნობია. ის გუშინ დაკრძალეს. სამეფოვიარო ცერემონია ერაყში გაიმართა.



მაგა-შვილი გუშაგი
რასიზმს გამოეპირო

მაგა-შვილი ბუშები ვირჯინიის ქალაქ შარლოტსვილში განვითარებულ მოვლენებს გამოეპირო. „ამერიკამ უარი უნდა თქვას რასიზმზე, ანტისემიტურ-მსა და სიძულვილზე,“ - ნათქვამია აშშ ექსპრეზიდენტების განცხადებაში. ულტრამემარჯვენეებსა და მემარცხენეებს შორის დაპირისპირებას შარლოტსვილში ერთი ადამიანი ემსხვერპლა. არიან დაშავებულებიც.

საუღი კორეის ნახევარკუნძულზე
რუს გაემოციებას

კორეის ნახევარკუნძულზე ომი არ იქნება. ამის შესახებ სამხრეთ კორეის ლიდერმა მუნ ჩეუნგ იმმა განაცხადა. მისივე თქმით, შეერთებული შტატები სამხედრო ძალის გამოყენებით ფხენიანზე ზენოლის მოსახლენად იმუქრება, სინამდვილეში კი ძალის გამოყენება ნაკლებ სავარაუდოა.



დენიელ კრეიგი ჯიშის ბონდს
ქილავ პრესულ ითამაშებს

ცნობილი ბრიტანელი მსახიობი დენიელ კრეიგი ადასტურებს, რომ ჯიშის ბონდის როლს მეხუთედ ითამაშებს. ამის შესახებ მან The Late Show-ში სტუმრობისას განაცხადა. „მე ეს ყოველთვის მინდოდა, მაგრამ გარკვეული პაუზა მჭირდებოდა. ბონდიანში ამჯერად ბოლოჯერ ვითამაშებ,“ - აღნიშნა მსახიობმა.

მხელაფირი მხელაფირზე

ნიუ-იორკის ქუჩებში
პრეზიდენტს აქტივისტები...


აშშ-ის მოქმედ პრეზიდენტს ქვეყანაში, რომ ბევრი კრიტიკოსი ჰყავს, უკვე ყველასათვის ცნობილია.

ნიუ-იორკის ქუჩებში დონალდ ტრამპის დიდი გასაბერი ფიგურა დაამონტაჟეს, რომელიც ძალიან გავს ვირთხას, განელილი ყურებითა და წინგამოვარდნილი დიდი კბილებით. „გასაბერი ტრამპი“ 14 აგვისტოს მე-5 ავენიუსა და 59 ქუჩების კვეთაზე მოათავსეს. იგი ნიუ-იორკის სამხატვრო გალერეა „Bravin Lee“-ის თანამშრომლებმა დაამონტაჟეს, რომლებიც აცხადებენ, რომ ფიგურა სიმბოლოა „წინააღმდეგობისა და ირონიისა“ და ისინი მის დადგმას ქალაქის სახვადსხვა მხარეებში გეგმავენ.



ინგლისში ჰარი პოტერის
მუშაობის სახლი იყიდება

ინგლისში, სუფოლკის საგრაფოში, სოფელ ლავენჰემში XVI საუკუნის კულტურული მემკვიდრეობის სახლს ყიდა. ეს სახლი იმითაა ცნობილი, რომ მსოფლიო ბესტსელერის „ჰარი პოტერი და სიკვდილის საჩუქრის“-ის წიგნის მიხედვით, ჰარის მშობლები, ჯადოქრები ლილი და ჯეიმსი აქ ბინადრობდნენ.



ისტორიული სახლი ცნობილია, როგორც „De Vere House“. იგი ოქსფორდის გრაფებს, ვერებს ეკუთვნოდა. ისინი ინგლისში სამეფო ოჯახის შემდეგ ყველაზე მდიდრე ბაღ ითვლებოდნენ.

ალსანიშნავია კიდევ ერთი ფაქტი. მე-17 საუკუნის გრაფს ედუარდ დე ვერუს, გენიალური შექსპირის რამდენიმე პიესის ავტორად თვლიან. სახლი 300 კვადრატული და მისი ფასი 1,64 მილიონს შეადგენს. მისი ინტერიერი შუასაუკუნეების და ტიუდორების ეპოქის ელემენტებს შეიცავს. თავის დროზე ოქსფორდის გრაფები ამ სახლში სანადიროდ ჩერდებოდნენ. სავარაუდოა, რომ სახლი „ჰარი პოტერის“ თავყვანისმცემლების ხელში გადავიდეს. იგი ხომ დღეს შექსპირზე პოპულარულია...

ტყუპების საჩუქდლო

შოტლანდიის ერთ-ერთ მხარეში, ინვერკლიდში ნამდვილი ტყუპების ცენაა. წელს ერთ-ერთ სკოლაში, პირველ კლასში 13 წყვილი ტყუპი ერთდროულად შეაღებს სასწავლებლის კარს.

ადგილობრივები ხუმრობენ კიდევ, რომ მათ ოცნაში განსაკუთრებული წყალი მოედინება, რადგან რეგიონი ტყუპების ნაკლებობას ნამდვილად არ განიცდის. მშობლები მასწავლებლებს ამშვიდებენ, რომ ტყუპების გარჩევა არცთუ ისე რთულია, მაგრამ ერთ კლასში რამდენიმე ტყუპი ერთად რომ გყავს, სიმშვიდე ძნელი შესანარჩუნებელია. აღმოჩნდა, რომ გასულ წელს კიდევ უფრო მეტი ტყუპი და-ძმა მიუსხდა პირველად მერსებს. ადგილობრივი ხელი-სუფალი ჯიმ კლოერტი აცხადებს, რომ მთელი ქვეყნის მასშტაბით მათ მხარეში ყველაზე მეტი ტყუპი იბადება.



მომამადა რუსუდან ქოზულიამ

საქართველოს
რესპუბლიკა
SAKARTVELOS
REPUBLIKA

სულხან-საბას ძ. №3

მთავარი რედაქტორი
სპარტაკ ქოზულია
293-13-34
599 36-00-35

პასუხისმგებელი რედაქტორები:
გურამ გომიანაშვილი
599 53-76-16;

ალექს
ასლანიშვილი
599 56-81-86;

პასუხისმგებელი მდივანი
მამუკა ვაშაკიძე
514 33-33-24

გამომცემლობა:
შპს „თანამშრომელთა“-გაზეთ
„საქართველოს რესპუბლიკის“
გამომცემელი“
ტ: 599 79-76-79
შპს „ახალი საუკუნე“
იბეჭდება გამომცემლობა
„ქოლორ პრესი“
რკინიგზის ჩიხი №20

uac(უაქ)070.4(479.22)
ს-323



ავტორთა
საყურადღებოდ!

რედაქციის მიერ
შეუკვეთავი მასალა
დაიბეჭდება ავტორ-
თა ხარჯით.
ავტორთა მოსაზრებები,
შეხატვლა, მუდამ
არ ემთხვეოდეს
რედაქციის პოზიციას.
ფაქტების სიზუსტეზე
პასუხს აგებენ
ავტორები.

„საქართველოს
რესპუბლიკა“
შენი გაზეთი,
აუსილებლად
წაიკითხე!

საქართველოს პოსტის კონტაქტური ინფორმაცია: აშშ ფოსტის - 2.3885; კვირა - 2.7950; ბრიტანული პოსტის სტარტ-აპი - 3.0747; 100 რუბლი - 3.9554; თურქული ლირა - 0.6754; ავსტრალიული დოლარი - 1.3943; 1000 სომხური დრამი - 4.9958.

აივნი 18 აპრილისთვის: ავსტრალიული საპოსტო: ბარი - ღირსე +18, ღირსე +33; შიშანი რეგისტრირებული - ღირსე +12, ღირსე +30; დასავლეთი საპოსტო: ბარი - ღირსე +21, ღირსე +34; შიშანი რეგისტრირებული - ღირსე +14, ღირსე +33; თბილისი: ბარი - ღირსე +21, ღირსე +31.

დაავიკავით, მოგხეობით: ტელ: 293-13-34, 599-79-76-79. ელ. ფოსტა: sakresp@mail.ru და sakresp@top.ge